

Autoridade Bankaria no Pagamentus Timor –Leste Nian
Quintu Relatoriu Fulan tolu nian ba Fundu Petroleu

Comunikasaun ba Media

Ohin , Autoridade Bankaria no Pagamentu Timor Leste, fo sai ba dala lima relatoriu fulan tolu nian hosi Fundu Petrolu TL, nebe hatudu numeru asset mak gere iha loron ikus fulan Setembro ho montante \$ 847.1 miliaun kompara ho fulan Junhu 2006 nebe mak demonstra \$649.8 miliaun.

Relatoriu ne hatudu katak durante fulan tolu ne`e , osan nebe kontribuyente sira no Autoridade Designada Tasi Timor selu direktamente ba Fundu liu hosi konta BPA nian iha Federal Reserve Bank, Estados Unidos iha Nova Iorque hamutuk US\$ 182.1 millaun.

Lukru (osan funan) nebe hetan husi investimentu fundu hamutuk US\$6.7 millaun, no mudansas valor merkadu tamba titulu nia folin nebe tun sa`e, hetan \$8.3 milliaun durante fulan tolu ne`e . Retornu absoluta durante fulan tolu nee hetan positivo 2.03 % , equivalente ho retornu anual nebe hetan 8.37%. Ida ne hanesan redimentu boot liu ba fulan tolu nian durante Fundu nee komesa. Rendimentu husi portofolio durante fulan tolu nee mak pontu baze 1 kiik liu retornu referensia. Lei Fundu Petroleu nian espesifika katak ABP, hanesan futuru Banku Sentral Timor Leste nian, nudar agente nebe responsabiliza ba gestaun operasional Fundu nian.

Ministerio Planu no Finansas iha responsabilidade atu halo estrategia investimentu ba Fundu. Tuir mandatu nebe fo ba ABP hodi gere Fundu nee besik ba Indise referensia Merrill Lynch tinan 0-5 titulus governo Estados Unidos nian. Durante primeriru trimestre lima nee, ABP maneija Fundu nee besik ba mandatu referensia. Diferensia retornu entre portofolio ho referensia desde Fundu nee hahu mak pontu base 2.

Durante situasaun crize iha Dili nebe neneik fila ba normal, Diresaun ABP implementa procedimentu plano contingensia fase II hodi garantia operasaun normal Fundu Petroleu. Iha periodu nee, quase funsionarius Fundu Petroleu nian hotu tama no halao servisu hanesan bai-bain. Iha relatorio fulan tolu nian ba dala lima nee, nebe mak kobre priodu 1 Julhu 2006 to'o 30 Setembru 2006, inclui :

- Valor inisiu \$ 649.8 millaun
- Reseitas durante fulan tolu nee hamutuk \$ 182.1 milliaun nebe kompostu husi reseitas husi sira nebe selu taxa \$154.4 millaun no reseitas husi Autoridade Designada Tasi Timor mak \$27.7 millaun.
- Retornu absoluto durante fulan tolu nee, 2.03% ou \$15.1 milliaun
- Valor ikus liu \$ 847.1 milliaun

Relatorio fulan tolu nee nian ho Lei Fundu Petroleu no mos Akordu Gestaun , bele hetan iha situs portal BPA hanesan www.bancocentral.tl.

Karik presiza tan informasaun ruma bele kontaktu :

Venâncio Alves Maria

Diretor Executivu Interinu, Departamentu Fundu Petroliferu
Autoridade Bankaria no Pagamentu Timor-Leste nian.

Email : venancio.maria@bancocentral.tl

Telephone : + (670) 3313718

Dili, 9 Novembru 2006